

宋
名
家
詞

稼軒詞卷第四

玉樓春

席上贈別
上饒黃倅

往年龍從堂前路路上人誇通判雨去年拄杖
過瓢泉縣吏垂頭民歎語學窺聖處文章古
清到窮時風味苦算前老淚不成行明日送君
天上去

又

效白樂
天體

少年才把笙歌戲夏日非長愁夜短因他老病

不相饒把好心情都做懶
故人別後書來勸
乍可停盃彊喫飯云何相見酒邊時却道達人
須飲滿

又

川韻會
葉仲洽

狂歌擊碎村醪醜欲舞還憐衫袖短心如溪上
釣磯閒身似道旁官堠懶
山中有酒提壺勸
好語憐君堪鮓飯至今有句落人間渭水秋風

黃葉滿

又

用韻會吳
子似縣尉

君如九醞臺粘酸我似茅柴風味短幾時秋水
美人來長恐扁舟乘興嬾高懷自飲無人勸
馬有青芻奴白飯向來珠履玉簪人頗覺酒量
車載滿

又

客有遊山者忘攜具而以詞來病不
往索酒用韻以畱余時以病不往

山行日日妨風雨風雨晴時君不去牆頭塵滿
短轅車門外人行芳艸路城南東野應聯句

好記琅玕題字處也應竹裏著行厨已向甕邊
防吏部

又

再和

人間反覆成雲雨鳧雁江湖來又去十千一斗
飲中仙一百八盤天上路 舊時楓落吳江句
今日錦囊無著處看封關外水雲侯剩接山中
詩酒部

又

戲賦
雲山

何人半夜推山去四面浮雲猜是汝當時相對
兩三峰走遍溪頭無覓處西風瞥起雲橫度
忽見東南天一柱老僧拍手笑相夸且喜青山
依舊住

又

用韻會傳巖叟
葉仲洽趙國典

青山不解乘雲去怕有愚公驚著汝人間踏地
出租錢僭使移將無著處三星昨夜光移度
妙語來題橋上柱黃花不插滿頭歸定向白雲

遮且住

又

無心雲自來還去元共青山相爾汝霎時迎雨
障崔嵬雨過却尋歸路處 侵天翠竹何曾度
遙見屹然星砥柱今朝不管亂雲淡來伴仙翁
山下住

又

瘦筇倦作登高去却把黃花相爾汝嶺頭拭目

望龍山夏在雲煙遮斷處
思壘落帽人風度
休說當年功紀柱謝公直是夢東山畢竟東山
畱不住

又

風前欲勸春光住春在城南芳艸路未隨流落
水邊花且作飄零泥上絮鏡中已有星星誤
人不負春春自負夢回人遠許多愁只在梨花
風雨處

又

三三兩兩誰家婦聽取鳴禽枝上語提壺沽酒
已多時婆餅焦時須早去 醉中忘却來時路
僭問行人家住處只尋古廟那邊行更過溪南
烏欒樹

又

寄題文面鄭
元英集經樓

悠悠莫向文山去要把襟裾牛馬汝遙知書帶
艸邊行正在雀羅門裏住 平生插架昌黎句

不似拾柴東野苦侵天且擬鳳凰巢掃地從他
鸚鵡舞

又

樂令謂衛圻人未嘗夢搗齏餐鐵杵乘車入鼠穴以謂世無是事而有是理樂所謂無適云有也戲作數語以明之

有無一理誰差別樂令區區猶未達事言無處
未嘗無試把所無憑理說 伯夷飢采西山蕨
何異搗齏餐杵鐵仲尼去衛又之陳此是垂車
穿鼠穴

又

隱湖
戲作

客來底事逢迎晚行裏鳴禽尋未見日高猶苦
聖賢心門外誰耐蠻觸戰多方爲渴泉尋徧
何日成陰松種滿不辭長向水雲來只怕頻頻
魚鳥倦

又

有自九江以石作觀音
像持送者因以詞賦之

琵琶亭畔多芳艸時對香爐峰一笑偶然重傷
玉溪行不是白頭誰覺老 普陀大士神通妙

影入石頭光了了。看來將獻可無言。長似慈悲
顏色好。

又

乙丑京口奉祠西
歸將至仙人磯

江頭一帶斜陽樹。總是六朝人住處。悠悠興廢
不關心。惟有沙洲雙白鷺。仙人磯下多風雨。
好卸征帆畱不住。直須抖擻盡塵埃。却趁新涼
秋水去。

鵲橋仙

爲人慶八十
席上戲作

朱顏暈酒方瞳點漆開
傍松邊倚杖不須更展
畫圖看是箇壽星的模樣
今朝盛事一
盃淡勸更把新詞齊唱
人間八十最風流長貼
在兒孫額上

又

和范光之送祐
之弟歸浮梁

小窗風雨從今便憶中
夜笑談清軟啼鴉衰柳
自無聊更管得離人腸斷
詩書事業猶在青
鬚頭上貂蟬會見莫貪風月臥江湖道日近長

安路遠

又

壽徐伯
熙察院

豸冠風采繡衣聲
價曾把經綸少
試看看有詔
日邊來便入侍
明光殿裏
東君未老花
明柳
媚且引玉觥
沉醉好將三
萬六千場
自今日從
頭數起

又

巴西山行
書所見

松岡避暑茆簷避
雨閒去閒來幾
度醉扶怪石

看飛泉又却是前回醒處
東家娶婦西家歸
女燈火門前笑語釀成千頃稻花香夜夜費一
天風露

又

慶岳母
八十一

八旬慶會人間盛事齊勸一盃春釀臙脂小字
點眉間猶記得舊時宮樣
綵衣更著功名富
賢直過太公以上大家著意記新詞遇著箇十
年便喟

又贈鷺

鷺

溪邊白鷺來吾告汝溪裏魚兒堪數主憐汝汝
又憐魚要物我欣然一處 白沙遠浦青泥別渚
剩有鰕跳鯽舞聽君飛去飽時來看頭上風吹
一縷

又

席上和趙
晉臣數文

少年風月少年歌舞老去方知堪羨歎折腰五
斗賦歸來問走了羊腸幾遍 高車駟馬金章

紫綬傳語渠儂穩便問東湖帶得幾多春且看
凌雲筆健

西江月

采石岸戲
作漁父詞

千丈懸崖削翠一川落日鎔金白鷗來往本無
心選甚風波一任別浦魚肥堪膾前村酒美
重斟千年往事已沉沉閒管興亡則甚

又

壽范南
伯知縣

秀骨青松不老新詞玉佩相磨靈槎準擬泛銀

河剩摘天星幾箇

南伯去歲七月生子

奠枕樓頭風月駐

春亭上笙歌畱君一醉意如何金印明年斗大

又

和楊民瞻賦丹桂韻

宮粉厭塗嬌額濃粧再厭秋花西真人醉憶仙
家飛珮丹霞羽化十里芬芳未足一亭風露
先加杏腮桃臉費鉛華終慣秋蟾影下

又

癸丑正月四日三山被召經從建安席上和陳安行舍人韻

風月亭危致爽管絃聲脆休催主人只是舊情

懷錦瑟傷邊須醉 玉殿何曾儂去沙堤正要
公來看看紅藥又翻階趁取西湖春會

又

用韻和李
兼濟提舉

且對東君痛飲莫教華髮空催瓊瑰千字已盈
懷消得津頭一醉 休唱陽關別去只今鳳詔
歸來五雲兩兩望三台已覺精神聚會

又

三山
作

貪數明朝重九不知過了中秋人生有得許多

愁只有黃花如舊。萬象亭中殢酒。九仙閣上
扶頭城鴉喚我醉歸休。細雨斜風時候。

又

夜行黃沙道中

明月別枝驚鵲。清風半夜鳴蟬。稻花香裏說豐
年。聽取蛙聲一片。七八箇星天外。兩三點雨
山前。舊時茆店社林邊。路轉溪橋忽見。

又

春晚

賸欲讀書已嬾。只今多病長閒。聽風聽雨小窗

眠過了春光大半
往事數尋去鳥消愁難解
連環流鶯不肯入西園喚起画梁飛燕

又木
犀

金粟如來出世藥宮仙子乘風清香一袖意無
窮洗盡塵緣千種長爲西風作主夏居明月
光中十分秋意與玲瓏拚却今宵無夢

又

高祐之弟時
新居落成

画棟新垂簾幙華燈未放笙歌一盃潏灩泛金

波先向大夫稱賀 富貴無應自有功名不用
渠多只將綠鬢抵羲娥金印須教斗大

又遣
興

醉裏且貪歡笑要愁那得工夫近來始覺古人
書信著全無是處 昨夜松邊醉倒問松我醉
何如只疑松動要來扶以手推松曰去

又
和趙晉臣敷文
賦秋水瀑泉

八萬四千偈后更誰妙語披襟紉蘭結佩有同

心喚取詩翁來飲
鏤玉裁冰著句高山流水
知音胸中不受一塵侵却怕靈均獨醒

又

悠然閣

一柱中擎遠碧兩峰旁
聳高寒橫陳削盡短長
山莫把一分增減
我望雲煙目斷人言風景
天慳被公詩筆盡追還
重上層梯一覽

又

示兒曹以
家事付之

萬事雲煙忽過百年蒲柳先衰而今何事最相

宜宜醉宜遊宜睡 早赴催科了納粟量出入
收支迺翁依舊管管兒管竹管山管水

又

粉面都成醉夢霜髯能幾春秋來時送我伴牢
愁一見尊前似舊 詩在陰何側畔字居羅趙
前頭錦囊來往幾時休已遣蛾眉等候

朝中措

醉歸帖
之弟

藍輿嫋嫋破重岡玉笛兩紅粧這裏都愁酒盡

那邊正和詩忙 爲誰醉倒爲誰歸去都莫思
量白水東邊籬落斜陽欲下牛羊

又

夜深殘月過山房睡覺北窗涼起遶中庭獨步
一天星斗文章 朝來客話山林鍾鼎那處難
忘君向沙頭細問白鷗知我行藏

又

爲人
詩

年年黃菊艷秋風更有拒霜紅黃似舊時宮額

紅如此日芳容 青青未老算前要看兒輩平
戎試釀西江爲壽西江綠水無窮

又

年年金藥艷西風人與菊花同霜鬢經春重綠
仙姿不飲長紅 焚香度日儘從容笑語調兒
童一歲一盃爲壽從今更數千鍾

又

九日小集時揚
世長將赴南宮

年年團扇怨秋風愁絕玉盃空山下臥龍丰度

臺前戲馬英雄 而今休也花殘一似人老花
同莫怪東籬韻減只今丹桂香濃

清平樂

博山篇
中節事

柳邊飛鞚霧溼征衣重宿鷺窺沙孤影動應有
魚鰕入夢 一川明月疎星浣沙人影娉婷笑
背行人歸去門前稚子啼聲

又

茅簷低小溪上青青艸醉裏吳音相媚好白髮

誰家翁媪 大兒鋤豆溪東中兒正織雞籠最
喜小兒亡賴溪頭看剝蓮蓬

又

獨宿博山
王氏菴

遶牀飢鼠蝙蝠翻燈舞屋上松風吹急雨破紙
窗間自語 平生塞北江南歸來華髮蒼顏布
被秋宵夢覺眼前萬里江山

又

檢校山園
書所見

連雲松竹萬事從今足拄杖東家分社肉白酒

牀頭初熟 西風梨棗山園兒童偷把長竿莫
遣旁人驚去老夫靜處閒看

又

斷崖松竹竹裏藏冰玉路轉清溪三百曲香滿
黃昏雪屋 行人繫馬疎籬折殘猶有高枝留
得東風數點只綠嬌嫩春遲

又

爲兒鐵
柱作

靈皇醮罷福祿都來也試引鵝鵝花樹下斷了

驚驚怕怕，從今日日聰明，更有潭妹嵩兄看。
取辛家鐵柱，無災無難，公卿。

又

木犀

月明秋曉，翠蓋團團，好碎剪黃金。數恁小都著，
葉兒遮了。打來休似年時，小窗能有高低無。
頓許多香處，只消三兩枝兒。

又

再賦

東園向曉，陣陣西風，好喚起仙人。金小小翠羽，

玲瓏裝了 一枝枕畔開時羅幃翠幙垂低恁
地十分遮護打窗早有蜂兒

又

憶吳江
賞木犀

少年痛飲憶向吳江醒明月團團高樹影十里
水沉煙冷 大都一點宮黃人間直恁芬芳怕
是秋天風露染教世界都香

又

壽信守
王道夫

此身長健還却功名願枉讀平生三萬卷滿酌

金盃聽勸 男兒玉帶金魚能消幾許詩書料
得今宵醉也兩行紅袖爭扶

又 壽趙民則提刑時
新除且素不喜飲

詩書萬卷合上明光殿案上文書看來遍眉裏
陰功早見 十分竹瘦松堅看君自是長年若
解算前痛飲精神便是神仙

又 題上
盧橋

清泉犇快不啻青山礙十里盤盤平世界夏著

溪山襟帶 古今陵谷茫茫市朝往往耕桑此
地居然形勝似曾小小興亡

又

清詞索笑莫厭銀盃小應是天孫新與巧剪恨
裁愁句好 有人夢斷關河小窗日飲亡何想
見重簾不捲淚痕滴盡湘娥

又

呈趙昌甫時僕以病止酒
昌甫作詩數篇未及之

雲煙艸樹山北山南雨溪上行人相背去惟有

啼鴉一處 門前萬斛春寒梅花可睨摧殘使
我長忘酒易耍君不作詩難

又

書王德山
玉篋扇

溪回沙淺紅杏都開遍
鴻鴻不知春水煖猶傷
垂楊春岸 片帆千里輕船
行人想見欹眠誰
似先生高舉一行白鷺青天

好事近

中秋席上
和王路鈴

明月到今宵長是不如人約
想見廣寒宮殿正

雲梳風掠 夜淡休更喚笙歌簷頭雨聲惡不
是小山詞就這一場寥索

又

送李復州致
席上和韻

和淚唱陽關依舊字嬌聲穩回首長安何處怕
行人歸晚 垂楊折盡只啼鴉把離愁勾引却
笑遠山無數被行雲低損

又

席上和王道夫
賦元夕立春

綵勝鬪華燈平把東風吹却喚取雪中明月伴

使君行樂 紅旗鐵馬響春水老去此情薄惟
有前村梅在倩一枝隨著

又

和城中
諸友韻

雲氣上林梢畢竟非空非色風景不隨人去到
而今畱得 老無情味到篇章詩債怕人索却
喜近來林下有許多詞客

菩薩蠻

金陵賞心亭
爲葉丞相賦

青山欲笑高人語
聯翩萬馬來
無數煙雨却低

回望來終不來
人言頭上髮總向愁中白
拍手笑沙鷗
一身都是愁

又

用前韻

錦書誰寄相思語
天邊數徧飛鴻數
一夜夢千回
梅花入夢來
漲痕紛樹髮
霜落瀟湘白
心事莫驚鷗
人間千萬愁

又

江山病眼昏如霧
送愁直到津頭路
歸念樂天

詩人生足別離
雲屏淡夜語夢到君知否玉
筯莫偷垂斷腸天不知

又

書江西
造口壁

鬱孤臺下清江水中間多少行人淚西北是長
安可憐無數山 青山遮不住畢竟東流去江
晚正愁余山深聞鷓鴣

又

西風都是行人恨馬頭漸喜歸期近試上小紅

樓飛鴻字字愁 闌干閒倚處 一帶山無數 不
似遠山橫 秋波相笑明

又

功名飽聽兒童說 看公兩眼明如月 萬里勤燕
然老人書一編 玉階方寸地 好趁風雲會 他
日赤松游 依然萬戶侯

又

送祐之弟
歸浮梁

無情最是江頭柳 長條折盡還依舊 木葉下平

湖雁來書有無
雁無書尙可好語憑誰和風
雨斷腸時小山生桂枝

又

送鄭守厚
卿赴闕

送君直上金鑾殿
情知不久須相見
一日甚三秋
愁來不自由
九重天一笑
定是畱中了
白髮少經過
此時愁奈何

又

送曹君
之莊所

人間歲月堂堂去
勸君快上青雲路
堅處一燈

傳工夫螢雪邊
麴生風味惡辜負西窗約沙
岸片帆開寄書無雁來

又

席上分賦
得櫻桃

香浮乳酪玻璃盃
年年醉裏嘗新慣何物比春
風歌唇一點紅
江湖清夢斷翠籠明光殿萬
顆瀉輕勻低頭愧野人

又

賦摘

阮琴斜挂香羅綬
玉纖初試琵琶手
桐葉雨聲

乾珍珠落玉盤
朱絃調未慣
笑倩東風伴
莫作別離聲
且聽雙鳳鳴

又

雪樓賞牡丹席
上用楊民瞻韻

紅芽籤上群仙客
翠羅蓋底傾城色
和雨淚闌干
沉香亭北看
東風休放去
怕有流鶯訴
試問賞花人
曉粧勻未勻

又

和盧國華
提刑

旌旗依舊長亭路
簾前試點鴛花數
何處捧心

顰人間別樣春
功名君自許
少日聞鷄舞詩
句到梅花春風十萬家

卜算子

尋春作

脩竹翠蘿寒
遲日江山暮
幽逕無人獨
自芳此恨知無數
只共梅花語
嬾逐遊絲去
著意尋春不肯香
香在無尋處

又

爲人賦荷花

紅粉靚梳粧
翠蓋低風雨
占斷人間六月涼
明

月鴛鴦浦 根底藕絲長
花裏蓮心苦 只爲風
流有許愁 夏襯佳人步

又

聞李正之
茶馬詩音

欲行且起行 欲坐重來坐
坐坐行行有倦時 夏
枕閒書臥 病是近來身
嬾是從前我 淨掃瓢
泉竹樹陰且恁隨 緣過

又

酒飲

盜跖儻名丘 孔子如名跖
跖聖丘愚直到今 美

簡策寫虛名螻蟻侵枯骨千古光

陰一霎時且進盃中物

又

用莊語

一以我爲牛一以我爲馬人與之名受不辭善
學莊周者 江海任虛舟風雨從飄瓦醉者乘
車墜不傷金得於天也

又

漫興

夜雨醉瓜廬春水行秧馬點檢田間快活人未

有如翁者。掃秃兔毫。錐磨透銅臺瓦。誰伴楊
雄作解嘲。烏有先生也。

又

珠玉作泥沙。山谷壘牛馬。試上纍纍丘壠看。誰
是疆梁者。水浸淺溪簷。山壓高低瓦。山水朝
來笑問人。翁早歸來也。

又

漢代李將軍。奪得胡兒馬。李蔡爲人在下中。却

是封侯者 芸艸去陳根 篔竹添新瓦 萬一朝
廷舉力田 舍我其誰也

又

川韻 俞趙晉臣 敷文趙
有真得歸方是開堂

百郡怯登車 千里輸流馬 乞得膠膠擾擾身 却
笑區區者 野水玉鳴渠 急雨珠跳瓦 一榻清
風方是閒 真是歸來也

又

萬里只浮雲 一噴空凡馬 歎息曹瞒老驥詩 伏

樞如公者 山鳥哢窺簷野鼠飢翻瓦老我癡
頑合住山此地菟裘也

又

齒落

剛者不堅牢柔的難摧挫不信張開口角看舌
在牙先墮 已闕兩邊廂又豁中間箇說與兒
曹莫笑翁狗竇從君過

又

飲酒成病

一箇去學仙一箇去學佛仙飲千盃醉似泥皮

骨如金石 不飲便康強
佛壽須千百八十餘
年入涅槃且進盃中物

又

飲酒不寫書

一飲動連宵一醉長三日
廢盡寒溫不寫書富
賢何由得請看塚中人
塚似當時筆萬札千
言只恁休且進盃中物

醜奴兒

醉中有歌此詩以勸酒者聊繫之

晚來雲淡秋光薄
落日晴天落日晴天
堂上風

斜画燭煙 從渠去買人間恨字字都圓字字
都圓腸斷西風十四絃

又

尋常中酒扶頭後歌舞支持歌舞支持誰把新
詞喚住伊 臨岐也有傷人笑笑已爭知笑已
爭知明月樓空燕子飛

又

書博山
道中壁

煙蕪露芰荒池柳洗雨烘晴洗雨烘晴一樣春

風幾樣青
提壺脫袴催歸去
萬恨千情萬恨
千情各自無聊各自鳴

又

此生自斷天休問
獨倚危樓獨倚危樓
不信人間別有愁
君來正是眠時節
君且歸休君且歸休
說與西風一任秋

又

少年不識愁滋味
愛上層樓愛上層樓
爲賦新

詞彊說愁 而今識盡愁滋味欲說還休欲說
還休却道天涼好箇秋

又

近來愁似天來大誰解相憐誰解相憐又把愁
來做箇天 都將今古無窮事放在愁邊放在
愁邊却自移家向酒泉

又

和鉛山陳
簿韻二首

鵝湖山下長亭路明月臨關明月臨關幾陣西

風落葉乾
新詞誰解裁
冰雪筆墨生
寒筆墨
生寒會說離愁千萬般

又

年年索盡梅花笑
疎影黃昏
疎影黃昏香滿東
風月一痕
清詩冷落無人寄
雪豔冰魂
雪豔
冰魂
浮玉溪頭
煙樹村

浣溪沙

漫興
作

未到山前騎馬回
風吹雨打已無梅
共誰消遣

兩三盃 一似舊時春意思百無事處老形骸
也會頭上戴花來

又

黃沙嶺

寸步人間百十樓孤城春水一沙鷗天風吹樹
幾時休 突兀趁人山石狠朦朧避路野花羞
人家平水廟東頭

又

壽內子

壽酒同斟喜有餘朱顏却對白髭鬚兩人百歲

恰乘除 婚嫁剩添兒女拜平安
頻拆外家書
年年堂上壽星圖

又

歌泉
偶作

新葺茆簷次第成
青山恰對小窗橫
去年曾共燕經營
病却盃盤甘止酒
老依香火苦翻經
夜來依舊管絃聲

又

壬子春赴
閩別歌泉

細聽春山杜宇啼
一聲聲是送行詩
朝來白鳥

背人飛 對鄭子真崑石臥赴陶元亮菊花期
而今堪誦北山移

又

常山道
中印事

北隴田高踏水頻西溪禾早已嘗新隔牆沽酒
煮纖鱗 忽有微涼何處雨夏無畱影霎時雲
賣瓜人過竹邊村

又

借杜叔高吳子
似宿山寺戲作

花向今朝粉面勻柳因何事翠眉顰東風吹雨

細於塵 自笑好山如好色只今懷樹更懷人
閒愁閒恨一翻新

又

歌串如珠箇箇勻被花勾引笑和顰向來驚動
画梁塵 莫倚笙歌多樂事相看紅紫又拋人
舊巢還有燕泥新

又

父老爭言雨水勻眉頭不似去年顰殷勤謝却

甌中塵 啼鳥有時能勸客
小桃無賴已撩人
梨花也作白頭新

又

別杜叔高

這裏裁詩話 別離那邊應是望歸期
人言心急馬行遲
去雁無憑傳錦字
春泥抵死污人衣
海棠過了 有荼蘼

又

席上趙景山提幹賦溪臺和韻

臺倚崩崖玉滅痕
青山却作捧心顰
遠林煙火

幾家村 引入滄浪魚得計展成寥闊鶴能言
幾時高處見櫺軒

又

妙手都無斧鑿痕飽叅佳處却成顰恰如春入
浣花村 筆墨今宵光有艷管絃從此悄無言
主人席欠兩眉軒

又

應松
未成

艸木於人也作疎秋來咫尺異榮枯空山歲晚

孰華余 孤竹君窮猶抱節赤松子嬾已生鬚
主人相愛肯畱無

又 種梅
菊

百世孤芳肯自媒直須詩句與推排不然喚起
酒邊來 自有陶潛方有菊若無和靖卽無梅
祇今何處向人開

又 別澄上人併
送性禪師

梅子生時到幾回桃花開後不須猜重來松竹

意徘徊 慣聽禽聲應可諳飽觀魚陣已能排
晚風挾雨喚歸來

山花子 答傅高叟
酬春之約

艷杏夭桃兩行排莫攜歌舞去相催次第未堪
俛醉眼去年栽 春意纔從梅裏過人情都向
柳邊來咫尺東家還又有海棠開

又 出詞謝傅高
斐瑞香之惠

句裏明珠字字排多情應也被春催怪得名花

和淚送雨中栽 赤腳未安芳斛穩娥眉早把
橋枝來報道錦薰籠底下麝臍開

又

三山
戲作

記得瓢泉快活時長年耽酒叟吟詩驀地捉將
來斷送老頭皮 遶屋人扶行不得閒窗學得
鷓鴣啼却有杜鵑能勸道不如歸

又

日日閒看燕子飛舊巢新壘画簾低玉曆今朝

推戊己却啣泥 先自春光畱不住那看夏著
子規啼一陣晚香吹不斷落花溪

又

與客賞山茶一
朵忽墮地戲作

酒面低迷翠被重黃昏院落月朦朧墮髻啼粧
孫壽醉泥秦宮 試問花畱春幾日畧無人管
雨和風瞥向綠珠樓下見墜殘紅

又

簡傅
高叟

總把平生入醉鄉大都三萬六千場今古悠悠

多少事莫思量
微有些寒春雨好夏無尋處
野花香年去年來還又笑燕飛忙

又

用前韻謝傅崑
叟餽名花對葦

楊柳溫柔是故鄉紛紛蜂蝶去年場大率一春
風雨事最難量滿把攜來紅粉面堆盤夏覺
紫芝香幸自麴生閒去了又教忙纒止

又

病起獨
坐停雲

疆欲加餐竟未佳只宜長伴病僧齋心似風吹

香篆過也無灰 山下朝來雲出岫隨風一夫
未曾回次第前村行雨了合歸來

虞美人

賦茶

群花泣盡朝來露爭奈春歸去不知庭下有茶
縻偷得十分春色怕春知 淡中有味清中覺
飛絮殘紅避露華微浸玉肌香恰似楊妃初試

出蘭湯

又

詩趙文
品提舉

翠屏羅幙遮前後舞袖翻長壽紫髯冠佩御爐
香看取明年歸奉萬年觴今宵池上蟠桃席
咫尺長安日寶煙飛焰萬花濃試看中間白鶴
駕仙風

又

用前韻

一盃莫落他人後富貴功名壽胸中書傳有餘
香寫得蘭亭小字記流觴問誰分我漁樵席江
海消閒日看看天上拜恩濃却怕畫樓無處著

春風

又

賦虞美人艸

當年得意如芳艸
日日春風好
拔山力盡忽悲歌
飲罷虞兮從此奈君何
人間不識精誠苦
貪看青青舞
驀然歛袂却亭亭
怕是曲中猶帶楚歌聲

浪淘沙

山寺夜半聞鐘

身世酒盃中
萬事皆空
古來三五箇英雄
雨打

風吹何處是漢殿秦宮
夢入少年叢歌舞
匆老僧夜半誤鳴鐘
驚起西窗眠不得捲地西風

又

賦虞美人艸

不肯過江東玉帳匆匆只今艸木憶英雄
唱著虞兮當日曲便舞春風
兒女此情同往事朦朧湘娥竹上淚痕濃
舜目重瞳堪痛恨羽又重瞳

又

送吳子
勿辭

金玉舊情懷。風月追陪扁舟千里興。佳哉不似
子猷行半路。却棹船回。來歲菊花開。記我清
盃西風雁。過鎖山臺。把似倩他書不到。好與同
來。

減字木蘭花

宿僧房
有作

僧窗夜雨。茶鼎熏爐。宜小住。却恨春風勾引詩
來惱殺翁。狂歌未可。且把一尊料理我。我到

亡何却聽農家陌上歌。

又

昨朝官告一百五年村父老。夏莫驚疑剛道人
生七十稀。使君喜見恰限華堂開壽宴。問壽
如何。百代兒孫擁太婆。

又

長沙道中堂上有婦人題
字若有恨者用其意爲賦

盈盈淚眼往日青樓天樣遠。秋月春花輸與尋
常姊妹家。水村山驛日算行雲無氣力。錦字

偷裁立盡西風雁不來

南歌子

山中
夜坐

世事從頭減秋懷徹底清
夜淡猶送枕邊聲
試問清溪底事未能平
月到愁邊白雞先遠處
鳴是中無有利和名
因甚山前未曉有人行

又

獨坐
遊春

玄入參同契禪依不二門
細看斜日隙中塵
始覺人間何處不紛紛
病笑春先到閒知嬾是

真百般啼鳥苦撩人除却提壺此外不堪聞

又

新開池
戲作

散髮披襟處浮瓜沉李時涓涓流水細侵階盤
箇池兒喚箇月兒來 画棟頻搖動紅蕖盡倒
開鬪勻紅粉照香腮有箇人人把箇鏡兒猜

醉太平

春景

態濃意遠睂顰笑淺薄羅衣窄絮風軟鬢雲欺
翠捲 南園花樹春光暖香徑裏榆錢滿欲上

鞦韆又驚嬾且歸休怕晚

漁家傲

爲余伯熙察院壽信之識云水打烏龜石三台出此時伯熙舊居城西

西直龜山之北溪水滿山足矣意伯熙當之耶伯熙學道有新功一日語余云溪上嘗得異石有文隱然如記姓名且有長生等字余未之見也因其生朝姑擬二事爲詞以壽之

道德文章傳幾世到君合上三台位自是君家
門戶事當此際龜山正抱西江水三萬六千
排日醉鬢毛只恁青青地江裏石頭爭獻瑞分

明是中間有箇長生字

錦帳春

杜叔高
席上

春色難畱酒盃常淺夏舊恨新愁相間五更風
千里夢看飛紅幾片這般庭院 幾許風流幾
般嬌嬾問相見何如不見燕飛忙鶯語亂恨重
簾不捲翠屏平遠

太常引

建康中秋夜
爲呂潛叔賦

一輪秋影轉金波飛鏡又重磨把酒問姮娥被

白髮欺人奈何 乘風好去長空萬里直下看
山河斫去桂婆娑人道是清光更多

又

詩韓南
淵尚書

君王著意履聲聞便合押紫宸班今代又尊韓
道吏部文章泰山 一盃千歲問公何事早伴
赤松閒功業後來看似江左風流謝安

又

賦十
四絃

仙機似欲織織羅髻度金梭無奈玉纖何却

彈作清商恨多 朱簾影裏如花半面絕勝隔
簾歌世路苦風波且痛飲公無渡河

又

許趙晉
臣敷文

論公耆德舊宗英吳季子百餘齡奉使老於行
夏看舞聽歌最精 須同衛武九十入相藁竹
自青青富賢出長生記門外清溪姓彭彭溪晉
臣居也

東坡引

閩
怨

玉纖彈舊怨還敲繡屏面清歌自送西風雁雁

行吹字斷雁行吹字斷
夜淡拜半月瑣窗西
畔但桂影空階滿翠帷
自掩無人見羅衣寬一
半羅衣寬一半

又

君如梁上燕妾如手中扇
團團青影雙雙伴秋
來腸欲斷秋來腸欲斷
黃昏淚眼青山隔岸
但咫尺如天遠病來只謝
傷人勸龍華三會願
龍華三會願

又

花稍紅未足條破驚新綠重簾下徧闌干曲有
人春睡熟有人春睡熟 鳴禽破夢雲偏目覺
起來香腮褪紅玉花時夢與愁相續羅裙過半
幅羅裙過半幅

夜遊宮

苦俗
客

幾箇相知可喜才厮見說山說水顛倒爛熟只
這是怎奈何一回說一回美 有箇尖新底說

底話非名非利說的口乾罪過你且不罪俺畧
起去洗耳

戀繡衾

無題

長夜偏冷添被兒枕頭兒移了又移我自是笑
別人底却元來當局者迷 如今只恨因緣淺
也不會抵死恨伊合手下安排了那筵席須有
散時

杏花天

無題

病來自是於春懶但別院笙歌一片蛛絲網遍
玻璃盞更問舞裙歌扇 有多少點愁蝶怨甚
夢裏春歸不管楊花也笑人情淺故故沾衣撲
面

又

牡丹昨夜方開徧畢竟是今年春晚茶蘼付與
薰風管燕子忙時鸚鵡 多病起日長人倦不
待得酒闌歌散甫能得見茶甌面却早安排腸

斷

又

卅 嘲杜

牡丹比得誰顏色似宮中太真第一漁陽鞞鼓
邊風急人在沉香亭北 買栽池館多何益莫
虛把千金拋擲若教解語應傾國一箇西施也
得

唐河傳

倣花
問體

春水千里孤舟浪起夢攜西子覺來村巷夕陽

斜幾家短牆紅杏花 晚雲做造些兒雨折花
去岸上誰家女太顛狂那邊柳線被風吹上天

醉花陰

爲人壽

黃花謾說年年好也趁秋光老綠鬢不驚秋若
鬪算前人好花堪笑 蟠桃結子知多少家住
三山島何日跨飛鸞滄海飛塵人世因緣了

品令

次姑慶入十
來索俳語

夏休說便是箇住世觀音菩薩甚今年容貌入

十歲見底道纔十八
莫獻壽星香燭莫祝靈
椿龜鶴只消得把筆輕輕去
十字上添一撇

惜分飛

春思

翡翠樓前芳艸路
寶馬墜鞭暫駐
最是周郎顧
幾度歌聲誤
望斷碧雲空
日暮流水桃源何
處聞道春歸去
更無人管飄紅雨

柳梢青

和范先之席上賦壯丹

姚魏名流年年攪斷雨
恨風愁解釋春光剩須

破費酒令詩籌 玉肌紅粉溫柔更染盡天香
未休今夜簪花他年第一玉殿東頭

又

三山歸途代
白鷗見嘲

白鳥相迎相憐相笑滿面塵埃華髮蒼顏去時
曾勸聞早歸來 而今豈是高懷爲千里尊羹
計哉好把移文從今日日讀取千回

又

辛酉生日前兩日夢一道士話長年之
術夢中痛以理折之覺而賦入難之辭

莫鍊丹難黃河可塞金可成難休辟穀難吸風

飲露長忍飢難 勸君莫遠遊難何處有西王
母難休采藥難人沉下土我上天難

河瀆神

女城祠効
花間體

芳艸綠萋萋斷腸絕浦相思山頭人望翠雲旗
蕙肴桂酒君歸 惆悵画簷雙燕舞東風吹散
靈雲香火冷淺簫鼓斜陽門外今古

武陵春

春興

桃李風前多嫵媚楊柳更溫柔喚取笙歌爛熳

遊且莫管閒愁 好趁晴時連夜賞雨便一春
休艸艸盃盤不要收纔晚又扶頭

又

走去走來三百里五日以爲期六日歸時已是
疑應是望多時 鞭筒馬兒歸去也心急馬行
遲不免相煩喜鵲兒先報那人知

謁金門

無題

遮索月雲外金蛇明滅翻樹啼鴉聲未徹雨聲

驚落葉 寶炬成行嫌熱玉腕藕絲誰雪流水
高山絃斷絕怒蛙聲自咽

又

山吐月畫燭從教風滅一曲瑤琴纔聽徹金蕉
三兩葉 驟雨微涼還熱似欠舞瓊歌雪近日
醉鄉音問絕有時清淚咽

又

歸去未風雨送春行李一枕離愁頭徹尾如何

消遣是 遙想歸舟天際綠鬢
瓏瑯情理好夢
未成鴛鴦起粉香猶有帶

酒泉子

無題

流水無情潮到空城頭盡白離歌一曲怨
幾斷
腸人 東風官柳舞雕牆三十六宮花
濺淚春
聲何處說興亡燕雙雙

霜天曉角

旅興

吳頭楚尾一棹人千里休說舊愁
新恨長亭今

如此 宦游吾倦矣 玉人畱我醉 明日落花寒
食得且住爲佳耳

又

算山層碧 掠岸西風急 一葉軟紅 淡處不是利
名客 玉人還作立 綠窗生怨泣 萬里衡陽歸
恨先倩雁寄消息

點絳脣

雷博山寺聞光風玉人
微恙而歸時春漲斷橋

隱隱輕雷雨聲不受春回 護落梅如許 吹盡牆

邊去 春水無情礙斷溪南路憑誰訴寄聲傳
語沒箇人知處

又

身後虛名古來不換生前醉青鞋自喜不踏長
安市 竹外僧歸路指霜鍾寺孤鴻起丹青手
裏剪破松江水

生查子

山行寄
楊民瞻

昨宵醉裏行山吐三更月不見可憐人一夜頭

如雪 今宵醉裏歸 明月關山笛 收拾錦囊詩
要寄楊雄宅

又

民瞻見和
再用韻

誰傾滄海珠 簌弄千明月 喚取酒邊來 軟語裁
春雪 人間無鳳凰 空費穿雲笛 醉裏却歸來
松菊陶潛宅

又

有覓詞
者爲賦

去年燕子來 繡戶深深處 花徑得泥歸 都把琴

書污 今年燕子來誰聽呢喃語不見捲簾人
一陣黃昏雨

又

獨遊
西巖

溪邊照影行天在清溪底天上有行雲人在行
雲裏 高歌誰和余空谷清音起非鬼亦非僊
一曲桃花水

又

青山招不來偃蹇誰憐汝歲晚太寒生喚我溪

邊住 山頭明月來本在天高處
夜夜入清溪 聽讀離騷去

又

青山非不佳未解畱儂住
赤腳踏層氷爲夢青溪故
朝來山鳥啼勸上山高處
裁意不關渠自在尋詩去

又

簡吳子
似縣尉

高人千丈崖太古儲氷雪
六月火雲時一見森

毛髮 俗人如盜泉照影成昏濁高處掛吾瓢
不飲吾寧渴

又

和趙晉臣
數文春雪

浸天春雪來纔抵梅花半最愛雪邊人些些裁
成亂 雪兒偏解歌只要金盃滿誰道雪天寒
翠袖闌干暖

又

梅子褪花時直與黃梅接煙雨幾曾開一春江

裏活 富貴使人忙也有閒時節莫作路旁花
長教人看殺

又

題京口郡
治盛衰亭

悠悠萬世功 屹屹當年苦
魚自入深淵 人自居平土
紅日又西沉 白浪長東去
不是望金山 我自思蠻禹

尋芳艸

朝陳莘
史憶內

有得許多淚 更閒却許多
鴛被枕頭兒 放處都

不是舊家時怎生睡
更也沒書來那堪被雁
兒調戲道無書却有書中意排幾箇人人字

阮郎歸

來陽道中爲張處父推官賦

山前燈火欲黃昏
山頭來去雲鷓鴣聲裏數家
村瀟湘逢故人
揮羽扇整綸巾少年鞍馬塵
如今憔悴賦招魂
儒冠多誤身

昭君怨

像章寄張守定叟

長記瀟湘秋晚
歌舞橘洲人散
走馬月明中折

芙蓉 今日西山南浦兩棟朱簾雲雨風景不
爭多奈愁何

又

送晁楚老
遊荆門

夜雨剪殘春非明日重斟別酒君去問曹瞞好
公安 試看如今白髮却爲中年離別風雨正
崔嵬早歸來

又

人面不如花面花到開時重見獨倚闌干許多

山 落花西風時候人共青山瘦說到夢陽
臺幾曾來

烏夜啼

山行約范
先之不至

江頭醉倒山公月明中記得昨宵歸路笑兒童
溪欲轉山已斷兩三松一段可憐風月欠詩

翁

又

先之見和
復用韻

人言我不如公酒盃中更把平生湖海問兒童

千尺蔓雲葉亂繁長松却笑一身纏繞似衰

翁

又

晚花露葉風條燕燕高行過長廊西畔小紅橋
歌再唱人再舞酒纔消夏把一盃重勸摘櫻
桃

一絡索

閨思

羞見鑑鸞孤却倩人梳掠一春長是爲花愁甚

夜夜東風惡。行遶翠簾珠箔。錦牋誰記玉觴
淚滿却。停觴怕酒似郎情薄。

又

信守王道夫席上用
達夫賦金林擒韻

錦帳如雲處。高不知重數。夜淡銀燭淚成行。算
都把心期付。莫待燕飛泥污。問花花訴。不知
花定有情無。似却怕新詞妒。

如夢令

賦梁
燕

燕子幾曾歸去。只在翠巖深處。重到画梁間。誰

與舊巢爲主淡許淡許聞道鳳凰來住

憶王孫

秋江送別
集古句

登山流水送將歸悲莫悲兮生別離不用登臨
怨落暉管人非惟有年年秋雁飛

蔡元工在詞清康中臨虜庭稼軒以詩
詞謁見蔡曰子之詩則未也他日當以詞名
家故稼軒晚年來卜築奇獅專工長短
句累五百首有奇但詞家爭鬪穠纖而

稼軒平多接時感事之作務欲與多絕
不作妮子態宋人以東坡為詞詩稼軒為詞
論善評也古虞毛晉記

稼軒詞卷第四

終